

Misilitsinnerni qarasaasiamik atuisinnaaneq

Oqaluttariarsorluni aamma oqaluttariarsorluni-tigussaasumik misilitsinnerit

Atuartut atuartitsissutini ukunani oqaluttariarsorluni aamma oqaluttariarsorluni-tigussaasumik misilitsinnerni qarasaasiamik atuinissaminnut periarfissaqassapput: Matematikki, Fysik/kemi, Uumasuseqartulereq aamma Pinngortitaleriffiusumik nunalerutit. Tamanna inimi piareersarfiusumi misilitsiffiusumilu atuutissaaq.

Atuartitsissutini taakkunani programminik immikkut sanaajusunik allannermut kisitsinermullu programmit nalinginnaasut saniatigut ulluinnarni atuartitsinnermi atorreqarsimasunik pisariaqartitsisoqartassaaq. Qarasaasiap internetsimut attaveqannginnissaa nalinginnaasumik piumasqaataasusaavoq.

Atuartitsissutini ukunani oqaluttariarsorluni misilitsinnerni qarasaasiaq atorreqarsinnaanngilaq: Kallaallit, Qallunaat Tuluillu oqaasii, allamiut oqaasiisa pingajui, Inuiaqatigiilerineq kiisalu Upperisalerineq isumalioqqissaarnerlu.

Atuartup saqqummiussinissaanut pisariaqarpat Najukkami toqqagassani misilitsinnerni qarasaasiamik atuisoqarsinnaavoq. Nalinginnaasumik allannermut programmit atorreqartut saniatigut matumani aamma programmit immikkut sanaajusut pisariaqarsinnaapput. Matumani aamma nalinginnaasumik piumasarineqarpoq qarasaasiaq internetsimut attaveqassanngitsoq.

Allattariarsorluni misilitsinnerit

1. Atuarfiup nalinginnaasumik atuartumut teknikkikkut atortut ukua atugassanngortissavai: qarasaasiaq, printeri, immaqalu diskette/memorystick aamma allannermut programmi. Atuarfiup atuartoq ilisimatissavaa misilitsinnerup nalaani teknikkikkut ajornartorsiortoqarpat atuartup teknikkikkut ajutoornerit suut nammineerluni iluarsissanerai atuarfillu qanoq anner-tutigisumik teknikkikkut ikiuisinnaassanersoq. Atuartoq ataasiinnarluunniit qarasaasiamik atuippat nakkutilliisoq minnerpaamik ataaseq edb-mik ilisimasaqartariaqarpoq.
2. Atuartup tunngaviusumik allannikkut programmip toqqarneqarsimasup atornissaa ilisimasaqarfigissavaa – allatap ammarnissaa toqqornissaalu ilanngullugit. Allannikkut programmi atorreqarsinnaavoq, allaqqissaarnermut kukkunersiuutitalik (stave-kontrol), synonymordbogitalik aamma ordbogit elektroniskiusut, misilitsinnermi ordboginut atorreqarsinnaasutut akuerisaasunut sanilliunneqarsinnaasut.
3. Misilitsittoqannginnerani qarasaasiat misilitsinnermi atorreqartussat inissitsiterneqassapput ima imminnut ungasissusilerlugit atuartut imminnut angusinnaassanatik sanilimillu skærmimi allataanik atuarsinnaassanatik.
4. Misilitsinnerup ingerlanerani atuartut kissaatigunikkuk allatarigallakkaminnik naqiterisinnassapput (udskrivisinnapput). Atuarfiup naqiterinerup (udskrivinerup) misilitsinnerup ingerlaneranut akornutaalinnginnissaa qularnaassavaa.

5. Misilitsinnerup naammassinerani misilitsinnermut akissut pappialamut naqitaareersimassaaq (udskrivereersimassaaq). Misilitsinneq atuartut qarasaasianik atuinngitsut misilitsinnerattut sivilissuseqassaaq.
Atuartup akissutigisaminik/allataminik tunniussinermini quppernerit tulleriinneri imminullu paasissutissat qulakkiissavai kiisalu saqqaani atsiorluni.
Taamaalioreerpat nakkutilliisoq akissutip / allatap saqqaani atsiussaaq.
6. Naqinneqartup / udskriverneqartup quppernerini tamani karakterinut allattuiffik malillugu atuartup aqqa, inuup normua, atuarfiup aqqa, misilitsissutip suliasallu suunera, klassip imaluunniit holdip suunera aammalu quppernerit allassimassapput. Misilitsittoqalinnginnerani taamaaliortoqarsinnaavoq allatap qulaani naqqanilu nalunaarsuinikkut (top-/bundtekst).
7. Diskettinik/memorystickinik atuisoqarpat taakkua atuarfiup misilitsinnerup aallartilivinnerani tunniutissavai.
Diskettit/memorystickit imaqanngitsut tunniunneqassapput atuarfiullu aqqanik etiketit ili-sarnaaserneqarsimassallutik. Atuartup tigoriaruniuk atini etiketimut allassavaa. Disketti/memorysticki inimit misilitsiffiusumit misilitsinnerup nalaani anninneqassanngilaq, akissutigisallu tunniunneranut peqatigitillugu nakkutilliisumut tunniunneqassaaq.
Disketti/memorysticki allattuiffigeqqaakkatut imaluunniit tunniussimasinnaasanut uppernarsaatitut atorneqarsinnaanngilaq.
8. Atuartut programminik fil-illuunniit allanik atuartitsissummut tunngatinneqanngitsunik imaluunniit diskettinik/memorystickinik atuarfimmit tunniunneqarsimanngitsunik atuisimasut, eqqunngitsuliorlutik ikiortissarsiorsimasutut isigineqassapput, takuuk nalunaarummi § 39.
9. Misilitsinnerup nalaani kallerup-inneeruttoqarpat qarasaasiamilluunniit atuinermi ikiorseriaannaanngitsumik ajutuuttoqarpat, misilitsinneq qarasaasiaq atornagu ingerlateqqinneqassaaq.
Tamanna erseqqissumik atuartunut ilisimatitsissutaassaaq.
Misilitsinneq qarasaasiaqarani ingerlaqqissaaq misilitsinnermut piffissaliussap iluani atu-artullu akissutini allallugu tunniutissavaa.
Ajornartorsiutit misilitsinnerup ingerlanerani annertuumik persaqutaappata tamanna atuarfiup pisortaata pilertortumik Pisortaqaqarfirmut nalunaarutigissavaa, taannalu misilitsinnerup ingerlaqqinnissaanut aalajangiisuussavoq.
10. Misilitsinneq naammassiniariartoq nakkutilliisup akissutit, diskettit/memorystickkit tamaasa atuarfiup pisortaanut tunniutissavai.
Atuartitsissummi akissutit naqinneqarsimasut (udskriversimasut) klassip/holdip akissutaanut allanut ilagitillugit censorimut nassiunneqassapput.

Atuartup nammineq qarasaasiaa

Atuartup nammineq qarasaasiatik allannermut programitallit misilitsinnerni atorsinnaavaat, nammineq printeritik imaluunniit soorlu diskettitik/memorystickitik pinnagit. Atuarfiup matumani qularnaassavaa atuartup programminik aalajangiunneqartunit allaanerusunik atuinnginnissaa taamatullu filinik allanik atuinissaminut periarfissaqarani, takuuk siuliani imm. 8. Atuarfiup aamma qularnaassavaa atuartoq soorlu naqiteriniaruni (udskriviniaruni) ajornartorsiuteqassanngitsoq.

Oqaloqatigiinnissaq

Atuartitsissutini Kalaallit, Qallunaat aamma Tuluit oqaasiini oqaloqatigiinnermi qarasaasiaq internetsimut attaveqanngitsoq atorneqarsinnaavoq. Matumanili qarasaasiap atuartunit atorneqarnissaa imannak iluaqutaangaarnaviangilaq, tassami piffissartik oqaloqatigiinnermut atussagamikku.

Atuartunik ilitsersuineq

Atuarfik allattariarsorluni misilitsinnermi qarasaasiamik atuinissaq pillugu malittarisassaqlunilu ilitsersuutinik peqartuuppat tulluartsuussagalarpoq, tamatumunnga peqatigitillugu aamma tulluartsuussinnaavoq atuartunut ilitsersuutinik naqitamut sanasuugaanni atuarfiup qarasaasiaanik atuinermi eqqaamasassanik imalimmik imaluunniit atuartup nammineq qarasaasiaminik misilitsinnermi atuinermi eqqaamasassanik. Eqqaamasassat tamakkua misilitsinnermut nassarneqarsinnaapput.

Ilitsersuutinut ukununga ilanngussaq atuarneqarsinnaavoq atuartunut ilitsersuutinik nalinginnaasunik imalik. Assileriarlugu atuartunut agguanneqarsinnaavoq imaluunniit atuarfiup nammineq ilitsersuutissaanut toqqammavissatut atorneqarsinnaalluni.

Aalajangersimasumik qulequtaqarluni suliaq

Atuartup aalajangersimasumik sammisaqarluni suliaa misilitsinneruvoq. Atuartup saqqummiussinnermini qarasaasiaq atorniarnarlugu nammineq aalajangissavaa.

Saqqummiussinnermi programminik immikkut ittunik atuinissaq pisariaqarsinnaavoq, soorlu PowerPoint. Qarasaasiaq internetsimut attaveqassanngilaq.